

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 260687 25 St
Zenica, 29.09.2025. godine

Općinski sud u Zenici, stečajni sudija Amra Brkić, u prethodnom postupku za utvrđivanje uvjeta za otvaranje stečajnog postupku nad stečajnim dužnikom LUNAR d.o.o. Zenica, A. Goldenberga 9, nakon održanog ročišta za utvrđivanje uvjeta za otvaranje stečajnog postupka održanog dana 23.09.2025. godine u prisustvu privremenog stečajnog upravnika Jasmina Hadžirašidovića i punomoćnika predlagatelja Alemdara Brkića, advokata iz Tešnja, dana 29.09.2025. godine, donio je sljedeće:

R J E Š E N J E

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđuje troškova stečajnog postupka u iznosu od 8.000,00 KM na depozitni račun suda, na ime uplate predujma za obezbjeđenje troškova stečajnog postupka.

Upozoravaju se povjerioci u gore navedenom roku ne uplate predujam stečajni sudija će otvoriti stečajni postupak i odmah zaključiti postupak.

Ako povjeriocu predlože otvaranje stečajnog postupka i uplate predujam u navedenom roku stečajni sudija će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Na ročištu za ispitivanje uslova zaotvaranje stečajnog postupka sud je saslušao privremenog stečajnog upravnika koja je ostala kod svog izvještaja od 18.08.2025. godine i izjavio prema informacijama koje je je dobio od direktora Kašljević Tomislava, razlog osnivanja je pružanje usluga u oblasti produkcije i kreativnih industrija. Društvo je, prema raspoloživoj dokumentaciji, poslovalo u period od 29.01.2018. godine do 30.07.2020. godine, kada su mu i ugašeni transakcijski računi kod poslovnih banaka. Razlog prestanka rada društva ogleda se u drastičnom smanjenju privredne djelatnosti i obima poslova, što je u konačnici dovelo do gubitka ekonomske opravdanosti za nastavak poslovanja. Prema raspoloživoj dokumentaciji iz spisa predmeta, te informacijama koje sam dobio od direktora dužnika-Kašljević Tomislava, dužnik je imao samo jednog zaposlenika i to direktora Kašljević Tomislava. Uvidom u raspoložive finansijske izvještaje: Bilans stanja na dan 31.12.2024. godine I Bilans uspjeha za period 01.01.2024. godine do 31.12.2024. godine, kao i ostalu dokumentaciju koja se nalazi u spisu predmeta, te na osnovu razgovora sa direktorom dužnika-Kašljević Tomislavom, utvrdio sam da je finansijske izvještaje za 2024. godinu sačinio i ovjerio certificirani računovođa Vujić Berina (broj dozvole: CR-5738/5). Dužnik prema Bilansu stanja na dan 31.12.2024. godine ne posjeduje nepokretnu imovinu, ne posjeduje pokretnu imovinu te nije evidentiran kao vlasnik/suvlasnik motornih vozila. iz finansijskih izvještaja i Uvjerjenja Porezne uprave F BiH, broj: 13-4/1-12-5-4427/25

BD od 11.08.2025. godine, može se vidjeti da dužnik 60 dana neprekidno ne izmiruje svoje dospjele novčane obaveze, odnosno da nije u stanju da izvršava svoje dospjele i potraživane obaveze, te imajući u vidu odredbe člana 6. stav (3) i (5) Zakona o stečaju, jasno proizilazi da postoje razlozi za otvaranje stečajnog postupka. Imajući u vidu činjenicu da su računi dužnik ugašeni 30.07.2020. godine, te da iz Uvjerenja Porezne uprave F BiH, broj: 13-4/1-12-5-4427/25 BD od 11.08.2025. godine, proizilazi da se samo dio obaveza u iznosu od 87,66 KM odnosi na 2025. godinu, tj. da su ostale obaveze nastale prije 2025. godine, i da je za iste pokrenut postupak prinudne naplate, a da je prijedlog za otvaranje stečajnog postupka podnesen 19.05.2025. godine, to proizilazi da je prijedlog za pokretanje stečajnog postupka podnesen nakon isteka roka od 60 dana od dana nastupanja platežne nesposobnosti. Bitno je istaći da nakon stupanja na snagu Zakona o stečaju ("Službene novine Federacije BiH" broj: 53/2021) niko od povjerilaca nije podnio prijedlog za otvaranje stečajnog postupka. Shodno naprijed navedenom, jasno proizilazi da kod dužnika postoje razlozi za otvaranje stečajnog postupka iz člana 6. Zakona o stečaju-platežna nesposobnost dužnika, jer dužnik 60 dana neprekidno ne izmiruje svoje dospjele novčane obaveze. Imajući u vidu naprijed navedeno, odnosno da ne postoji stečajna masa iz koje bi se namirivali troškovi stečaja, privremeni stečajni upravnik predlaže da sud pozove povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 8.000,00 KM, na koji bi se način stekli razlozi za otvaranje stečajnog postupka, a u protivnom ako ne postupe predlažem da sud otvori i zaključi stečajni postupak.

Slijedom navedenog odlučeno je kao u izreci ovog rješenja primjenom odredbe člana 196. stav 3. Zakona o stečaju, a ovim rješenjem povjerioci i zainteresovana lica su upozorena na posljedice propuštanja postupanja po pozivu ovog suda.

POUKA O PRAVNOM LJJEKU:

Protiv ovog rješenja nije dozvoljena žalba.

Stečajni sudija
Amra Brkić, s.r.